

## Git yon mke'a Juan

*Le'a git yon mke'a Juan ndee ndadi'izh xte'e ga'al kwe bexa ndo' gealngea ten Dios. Le'a Juan mke'a-yá ndo' dub xabgi'i nsalea' Gayo, ndab Juan le'a Gayo wa uzhe'eb wen nak ndo' be men. No ndo' git ndee uteyo Juan dub xabgi'i nsalea' Diótfrefes, le'a xa wa nlad le'a inibe'e ndo' be xmen Cristo.*

---

### Juan mtu'ub dub git ndo' xa nsalea' Gayo

<sup>1</sup>Le'a na' ndee xa gox ntu'ub git ndee ndo' lu Gayo, le'a na' ta ugeaka nkwea' ladna lu. <sup>2</sup>Amig ten na', na'ab na' ndo' Dios wen ito'o itea ta'a gun lu, no wen yoo lu, lak wen nak lado'o lu ndo' Dios. <sup>3</sup>Le'a gor na mla'ncha' pla be xmen Jesús sa ndee, mbidi'izh bexa ndo' na' xte'eta ga'al nso' lu ndo' gealngea ten Dios. Cha uzhebpa mten lad na' gor na mbín na' ta wa. <sup>4</sup>Na'an stub ta mas nten lad na' ndo' gor na ndón na' le'a bexa nak cuent xi'ín na' ga'al nde ndo' gealngea ten Dios.

### Wen nak ta mbin Gayo

<sup>5</sup>Amig ten na', uzhebpa wen ndun lu gor na ndakno lu be xmen Jesús, maska lá nchando' lu bexa. <sup>6</sup>Le'a bexa wa mbidi'izh ndo' be xmen Jesús xte'e nkwea' ladna lu bexa. Nat bin ta nsak ladna Dios, gakno lu bexa be ta nki'in bexa nes ya'be bexa. <sup>7</sup>Le'a bexa wa uto'o ndun bexa ti'in ten Jesús, ni lá inab bexa ta nki'in bexa ndo' bexa lá nchando' Dios. <sup>8</sup>Ta we'e le'a beuna nsabndo' usa'a be ta nki'in bexa, ndontsa li gakno beuna gudi'izh bexa gealngea ten Dios.

### Ugap nak ta mbin Diótfrefes

<sup>9</sup>Le'a na' mtu'ubla dub git ndo' be xmen Jesús nyakjunt sa ba', ná le'a Diótfrefes lá nla'ach ta nibe'e besa, ndi le'a xa nlad

inibe'e. <sup>10</sup>Ta we'e le'a zha na gal na' lat bega, le'a na' gáp ndo' xa wa itea ta ugap ndun xa, le'a xa uzhebpa nisi besa. Na'anpa nabtsa ta ndee wa ndun xa, no ni lá nsa'a xa ta lid xa yoo be xmen Jesús, no ni lá nla'a xa tal le'a ncho bego nlad usa'a ta lid na yoo bexa wa. No ngontu'ub xa bego na li utsin ndun wa sa nzhealbe bega.

### **Mbidi'izh bexa le'a Demetrio dub xa utsinpa ngok**

<sup>11</sup>Amig ten na', lá gun lu lak ndun bexa ugap, ndi bin lak ndun bexa wen. Le'a tal ton gun be ta wen, le'a xa wa xmenka Dios. Ná le'a tal ton gun be ta ugap, le'a xa wa lá nchando' Dios. <sup>12</sup>Le'a itea men ndab le'a Demetrio dub xa wen nak ndo' Dios, ndun xa ta wen lak ndab gealngea ten Jesús. Le'a besa ndee no ndab le'a xa wa xa utsinka nak. No uni'í bega le'a besa sbe'en gealngeaka ndadi'izh.

### **Juan ndab ya'ina' Gayo**

<sup>13</sup>Ncho sianta be ta'a nlad na' gáp na' ndo' lu, pareá le'a na' lá nlad uke'a-yá ndo' git. <sup>14</sup>Le'a na' ndi nlad ini'í xan lu, we'e gudi'izh wa.

<sup>15</sup>Le'a na' na'ab ndo' Dios gun wen yoo ladna lu. Le'a be amig ten lu ndencho sa ndee nidi'izh ndo' lu. Unidi'izh sakndo' besa ndo' kadga dub be amig ten beuna ndencho sa ba'.

Las ilustraciones de las páginas 4, 6, 10, 24, 27, 44, 51, 83, 90, 92, 95, 96, 108, 126, 144, 154, 159, 161, 170, 183, 195, 221, 224, 242, 251, 253, 276, 286, 305, 308, 314, 318, 320, 324, 340, 346, 354, 355, 360, 368, 370, 374, 391, 398, 399, 493, 524, 555, 567 y 645 son propiedad de ©1978 David C. Cook Publishing Co., y son usadas con el permiso correspondiente.

Las ilustraciones de las páginas 64, 66, 131, 279, 330, 421, 426, 488, 497, 515, 583 y 585, por Louise Bass, son propiedad de ©The British & Foreign Bible Society, 1994.

Las ilustraciones de las páginas 296 y 641, por Horace Knowles, son propiedad de ©The British & Foreign Bible Society, 1954, 1967, 1972, 1995.

Primera edición  
El Nuevo Testamento  
Zapoteco de San Vicente Coatlán  
zpt 14-105 5C  
©2015 Wycliffe Bible Translators, Inc.  
Versión electrónica ©Wycliffe Bible Translators, Inc. 2015  
[www.scriptureearth.org](http://www.scriptureearth.org)

Usted es libre de: Compartir – copiar, distribuir, ejecutar y comunicar públicamente la obra bajo las condiciones siguientes:

Atribución. Debe reconocer los créditos de la obra de la manera especificada por el autor o el licenciante (pero no de una manera que sugiera que tiene su apoyo o que apoyan el uso que hace de su obra).  
No comercial. No puede utilizar esta obra para fines comerciales.  
Sin obras modificadas. No se puede alterar, transformar o generar una obra derivada a partir de esta obra.

<http://creativecommons.org/licenses/by-nc-nd/2.5/mx/>